

Inatsisartut aalajangiiffigisassaattut siunnersuut Naalakkersuisut peqquneqassasut, Kalaallit Nunaannut aqqusinikkut angallannermut inatsi allanngortinnissaa pillugu Rigsmyndighed-mut saaffiginnissasut, qamuterallannut ingerlatsisinnanermut 16-nik ukioqarsimanissamut inissinneqarnissaanik.

(Inatsisartunut ilaasortaq Jens-Frederik Nielsen, Demokraatit)

Akissuteqaat

(Ineqarnermut Attaveqaasersuutinullu Naalakkersuisoq)

Aappassaaneerneqarnera

Naalakkersuisut sinnerlugit Sanaartornermut Ataatsimiititaliap isumaliutissiissutaa pillugu qutsavigaakka. Sanaartornermut Ataatsimiititaliap Naalakkersuisut allannguutissatut siunnersuutaa akuerineqartussanngorlugu inassutigimmassuk nuannerpoq. Taamatuttaaq ataatsimiititaliap isumaliutersuutai piumasaqaataalu Naalakkersuisut tusaatissatut tiguaat.

Naalakkersuisut maluginiarpaat siullermeerneqarnerani oqallinnermi ukiutigut killiliinerup appartinnissaa isumaqatigiissutigineqartoq. Naalakkersuisut aamma maluginiarpaat ilinniartitsinissamut piumasaqarnissaq ammaffigineqartoq. Tamanna soorunami ingerlanneqassaaq nunaqarfinni mikinerusuni aamma ingerlanneqarsinnaasussaassalluni. Inatsisartuni oqallinnermi sammisamut tunngatillugu isummersornerit ilisimasallu saqqummiunneqarsimasut suliap ingerlaqqinneranut atorneqarumaarput.

Naalakkersuisut suleqatigiissitat suliaannut siumut ingerlariaqqinnissaanut tapersersuisoqarnera qutsatigaat. Sanaartornermut Ataatsimiititaliap kissaataa angallannermut inatsisip allannguutissaanut siunnersuummik Inatsisartut ukiakkut 2023-mi ataatsimiinnissaanut saqqummiisoqassasoq tusaaneqarpoq aamma angallannermut ministerimut apuunneqarumaarluni.

Naalakkersuisut taamatut oqaaseqarlutik siunnersuutip aappassaaneerneqarnissaanut ingerlateqqippaat annertunerusumik oqaaseqaateqartinnagu.